



李商隱詩集

雙鑑樓
天香記

五言律

石城

石城誇窈窕花縣更風流

去聲

將飄枕簾拱不

隱鈎玉童收夜鑰金狄守更籌
共笑鴛鴦綺鴛鴦

兩白頭

風雨

淒涼寶劒篇羈泊欲窮年
黃葉仍風雨青樓自管絃
新知遭薄俗舊好隔良緣
心斷新豐酒銷愁斗

幾千

離思

氣盡前溪舞心酸子夜歌峽雲尋不得溝水欲如
何朔鴈傳書絕湘篁染淚多無由一作因見顏色還
自託微波

寄羅劭興

棠棣黃花發忘憂碧葉齊人間微病酒鷺重遠嗛
泥混沌何由鑿青冥未有梯高陽舊徒侶時復一
相攜

令狐舍人說昨夜西掖翫月因戲贈

昨夜玉輪明傳聞近太清涼波衝碧瓦曉暈落金
莖露索秦宮井風絃漢殿筆幾時絲竹頌擬薦子
虛名

贈崔處士

真人塞其內夫子入於機未肯投竿起唯歡負米
歸雪中東郭履堂上老萊衣讀徧先賢傳如君事
者稀

自喜

自喜蝸牛舍兼容鷲子巢
綠筠遺粉籜紅藥綻香
苞虎過遙知穿魚來且
佐庖慢行成酪酏鄰壁有
松醪

異俗二首

時從事嶺南

鬼瘡朝朝避春寒
夜夜添未驚雷破柱
不報水齊
簷虎箭侵膚
毒魚鈎刺骨
銛鳥言成謀
詐多是恨
形襜

戶盡懸秦網
家多事越巫
未曾容獺祭
只是縱猪
都點對連鰲
餌搜求縛虎符
賈生兼事鬼
不信有

洪爐

歸墅

行李踰南極
旬時到舊鄉
楚芝應徧紫
鄧橘未全
黃渠濁村春
急旗高社酒
香故山歸夢
喜先入讀
書堂

楚澤

夕陽歸路後
霜野物聲乾
集鳥翻魚艇
殘紅拂馬
鞍劉禎元抱
病虞寄數辭
官白袷經年
卷西來又
早寒

蟬

本以高難飽徒勞恨費聲五更踈欲斷一樹碧無
情薄宦梗猶泛故園蕪已平煩君最相警我亦舉
家清

江亭散席循柳路吟歸官舍

春詠敢輕裁銜辭入半盃已遭江映柳更被雪藏
梅寡和真徒爾殷憂動卽來從詩得何報唯看二
毛催

哭劉司戶三首

離居星歲易失望死生分酒甕凝餘桂書籤冷舊
芸江風吹鴈急山木帶蟬曛一叫千迴首天高不
爲聞

有美扶皇運無誰薦直言已爲秦逐客復作楚冤
魂湓浦應分派荆江有會源併將添恨淚一灑問
乾坤

路有論冤謫言皆在中興空聞遷賈誼不待相孫
弘江闊唯迴首天高但撫膺去年相送地春雪滿
黃陵

街西池館

白閣他年別朱門此夜過疎簾留月魄珍簾接烟
波太守三刀夢將軍一箭歌國租容客旅香熟玉
山禾

鄠杜馬上念漢書

一云五陵懷古

世上蒼龍種人間武帝孫小來唯射獵興罷得乾
坤渭水天開苑咸陽地獻原英靈殊未已丁傳漸
華軒

柳

動春何限葉撼曉幾多枝解有相思否應無不舞
時絮飛藏皓蝶帶弱露黃鸝傾國宜通體誰來獨
賞眉

聞著明凶問哭寄飛卿

昔歎讒銷骨今傷淚滿膺空餘雙玉劔無復一壺
冰江勢翻銀礫一作漢天文露玉繩何因攜庾信同
去哭徐陵

桂林

城窄山將壓江寬地共浮東南通絕域西北有高

樓神護青楓，岼龍移白石。湫殊鄉竟何禱，簫鼓不曾休。

陳後宮

茂苑城如畫，閭門瓦欲流。還依水光殿，更起月華樓。侵夜鸞開鏡，迎冬雉獻裘。從臣皆半一作醉，天

子正無愁。

屬疾

許靖猶羈宦，安仁復悼亡。茲辰聊屬疾，何日免殊方。秋蝶無端麗，寒花更不香。多情真命薄，容易卽

迴腸。

明日

天上參旗過，人間燭焰銷。誰言整雙履，便是隔三橋。知處黃金鑊，曾來碧綺寮。凭欄明日意，池潤雨蕭蕭。

西溪

近郭西溪好，誰堪共酒壺。苦吟防柳暉，多淚怯楊朱。野鶴隨君子，寒松揖大夫。天涯長病意，岑寂勝歡娛。

贈柳

章臺從掩映郢路更參差見說風流極來當婀娜
時橋迴行欲斷堤遠更相隨忍放花如雪青樓撲
酒旗

詭柳

已帶黃金縷仍飛白玉花長時須拂馬密處少藏
鴉眉細從他歛腰輕莫自斜玳梁誰道好偏擬映
盧家

北禽

爲戀巴江暖無辭障霧蒸縱能朝杜宇可得值蒼
鷹石小虛填海蘆銛未破矧知來有乾鵲何不向
雕陵

槿花二首

燕體傷風力鷄香積露文殷鮮一相雜啼笑兩難
分月裏寧無姊雲中亦有君三清與仙島何事亦
離群

珠館薰燃久玉房梳掃餘燒蘭才作燭襞錦不成
書本以亭亭遠翻嫌脉脉踈迴頭問殘照殘照更

空虛

朱槿花二首

蓮後紅何患梅先白莫誇纔飛建章火又落赤城
霞不卷錦步鄣未登油壁車日西相對罷休澣向
天涯

勇多侵路去恨有礙燈還嗅自微微白看成沓沓
殷坐忘疑物外歸去有簾間君問傷春句千辭不
可刪

蝶二首

葉葉復翻翻斜橋對側門蘆花唯有白柳絮可能
溫西子尋遺殿昭君覓故村年年芳物盡來別敗
蘭蓀

初來小苑中稍與璪闈通遠恐芳塵斷輕憂艷雪
融只知防治露不覺逆尖風迴首雙飛燕乘時入
綺櫳

蠅蝶鷄麝鸞鳳等成篇

韓蝶翻羅幕曹蠅拂綺窓鬪雞迴玉勒融麝暖金
釭玳瑁明書閣琉璃冰酒釭畫樓多有玉鸞鳳各

震震

韓翊舍人卽事

萱草含丹粉荷花抱綠房
鳥應悲蜀帝蟬是怨齊
王通內藏珠府應官解玉坊
橋南荀令過十里送
衣香

公子

一盞新羅酒凌晨恐易銷
歸應衝鼓半去不待笙
調歌好唯愁和香濃
豈惜飄春塲鋪艾帳下馬雉
媒嬌

子初全溪作

全溪不可到况復盡餘醅
漢苑生春水昆池換劫
灰戰蒲知鴈唼皺月覺魚來清
興恭聞命言詩未
敢迴

楊本勝說於長安見小男阿袞

聞君來日下見我最嬌兒
漸大啼應數長貧學恐
遲寄人龍種瘦失母鳳雛癡
語罷休邊角青燈兩
髻絲

越鷺二首

上國社方見此鄉秋不歸爲矜皇后舞猶看羽人
衣拂水斜紋亂銜花片影微盧家文杏好試近莫
愁飛

將泥紅蓼岍得草綠楊村命侶添新意安巢復舊
痕去應逢阿母來莫害皇孫記取丹山鳳今爲百
鳥尊

少將

族亞齊安陸風高漢武威烟波別墅醉花月後門
歸青海聞傳箭天山報合圍一朝攜劔起上馬卽

如飛

桂林路上作

地暖無秋色江晴有暮暉空餘蟬嘒嘒猶向客依
依村小犬相護沙平僧獨歸欲成西北望又見鷓
鴒飛

無題

照梁初有情出水舊知名裙衩芙蓉小釵茸翡翠
輕錦長書鄭重眉細恨分明莫近彈碁局中心最
不平

落花

高閣客竟去小園花亂飛
參差連曲陌迢遞送斜
暉腸斷未忍掃眼穿仍欲
稀芳心向春盡所得是
沾衣

月

池上與橋邊難忘復可憐
簾開最明夜簾卷已涼
天流處水花急吐時雲葉
鮮姮娥無粉黛只是逞
嬋娟

贈宗魯印竹杖

大夏資輕策全溪贈所思
靜憐穿樹遠滑想過苔
遲鶴怨朝還望僧閒暮有
期風流真底事常欲傍
清羸

垂柳

娉婷小苑中婀娜曲池東
朝佩皆垂地仙衣盡帶
風七賢寧占竹三品且饒
松腸斷靈和殿先皇玉
座空

李花

李逕獨來數愁情相與懸
自明無月夜強笑欲風

天減粉與園籜分香沾渚蓮徐妃久已嫁猶自玉
爲鈿

壬申七夕

已駕七香車心心待曉霞風輕唯響珮日薄不
花桂嫩傳香遠榆高送影斜成都過卜肆曾妬識
靈槎

雨

撼撼度瓜園依依傍竹軒秋池不自冷風葉共成
喧窸迥有時見簷高相續翻侵宵送書鴈應爲稻

梁恩

菊

暗暗淡淡紫融融冶冶黃陶令籬邊色羅含宅裏
香幾時禁重露實是怯殘陽願泛金鸚鵡昇君白
玉堂

北樓

春物豈相干人生只強歡花猶曾歛夕酒竟不知
寒異域東風濕中華上象寬此樓堪北望輕命倚
危欄

擬沈下賢

千二百輕鸞春衫瘦着寬倚風行稍急含雪語應
寒帶火遺金斗兼珠碎玉盤河陽看花過曾不問
潘安

蝶

飛來繡戶陰穿過畫樓深重傳秦臺粉輕塗漢殿
金相兼唯柳絮所得是花心可要凌孤客邀爲子
夜吟

牡丹

壓逕復緣溝當窓又映樓終銷一國破不啻萬金
求鸞鳳戲三島神仙居十洲應憐萱草淡却得號
忘憂

曉坐

一云後閣

後閣罷朝眠前墀思黯然梅應未假雪柳自不勝
烟淚續淺深綆腸危高下絃紅顏無定所得失在
當年

十一月中旬至扶風界見梅花

匝路亭亭艷非時裊裊香素娥唯與月青女不饒

霜贈遠虛盈手傷離適斷腸爲誰成早秀不待作
年芳

判春

一桃復一李井上占年芳笑處如臨鏡窺時不隱
墻敢言西子短誰覺宓妃長珠玉終相類同名作
夜光

荷花

都無色可並不奈此香何瑤席乘涼設金羈落晚
過迴衾燈照綺渡襪水沾羅預想前秋別離居夢

權歌

曉起

擬盃當曉起呵鏡可微寒隔箔山櫻熟褰帷桂燭
殘書長爲報晚夢好更尋難影響輸雙蝶偏過舊
畹蘭

清河

舟小迴仍數樓危凭亦頻鷺來從及社蝶舞太侵
晨絳雪除煩後霜梅取味新年華無一事只是自
傷春

壽安公主出降

媯水聞真媛常山索銳師昔憂迷帝力今分送王
姬事等和強虜恩殊睦本枝四郊多壘在此禮恐
無時

明禪師院酬從兄見寄

貞吝嫌茲世會心馳本源人非四禪縛地絕一塵
喧霜露歆高木星河墮故園斯游儻爲勝九折幸
迴軒

寄裴衡

別地蕭條極如何更獨來秋應爲紅葉雨不厭青
苔沈約只能瘦潘仁豈是才離情堪底寄惟有冷
於灰

卽日

小苑試春衣高樓倚暮暉天桃唯是笑舞蝶不空
飛赤嶺久無耗鴻門猶合圍幾家緣錦字含淚坐
鴛機

淮陽路

荒村倚廢營投宿旅寬驚斷鴈高仍急寒溪曉更

清昔年嘗聚盜此日頗分兵猜貳誰先致三朝事
始平

晚晴

深居俯夾城春去夏猶清天意憐幽草人間重晚
晴併添高閣迴微注小窓明越鳥巢乾後歸飛體
更輕

迎寄韓魯州詹同年

積雨晚騷騷相思正鬱陶不知人萬里時有鸞雙

高寇盜纏三輔

時興元賊起三川兵出

梅苔滑百牢聖朝推

衛霍歸日動仙曹

風

迴拂來鴻急斜催別鷺高已寒休慘淡更遠尚呼
號楚色分西塞夷音接下牢歸舟天外有一爲戒
波濤

洞庭魚

洞庭魚可拾不假更垂罾鬧若雨前蟻多於秋後
蠅豈思鱗作簞仍計腹爲燈浩蕩天池路翱翔欲
化鵬

喜舍弟羲叟及第上禮部魏公

國以斯文重公仍內署來風標森太華星象逼中
台朝滿遷鸞侶門多吐鳳才寧同魯司寇唯鑄一
顏回

哀箏

延頸全同鶴柔腸素怯猿湘波無限淚蜀魄有餘
冤輕憶長無道哀箏不出門何由問香炷翠幕自
黃昏

自南山北歸經分水嶺

水急愁無地山深故有雲那通極目望又作斷腸
分鄭驛來雖及燕臺哭不聞猶餘遺意在許刻鎮
南勳

深樹見一顆櫻桃尚在

高桃留晚實尋得小庭南倭墮綠雲髻欹危紅玉
簪惜堪克鳳實痛已被鸞含越鳥誇香荔齊名亦
未甘

小桃園

竟日小桃園休寒亦未暄坐鸞當酒重送客出墻

繁啼久艷粉薄舞多香雪翻猶憐未圓月先出照
黃昏

和張秀才落花有感

晴暖感餘芳紅苞雜絳房落時猶自舞掃後更聞
香夢罷收羅薦仙歸勅玉箱迴腸九迴後猶有剩
迴腸

昭肅皇帝挽歌辭三首

九縣懷雄武三靈仰睿文周王傳叔父漢后重神
君玉律朝驚露金莖夜切雲笳簫淒欲斷無復詠

橫汾

玉塞驚宵柝金橋罷舉烽始巢阿閣鳳旋駕鼎湖
龍門咽通神鼓樓凝警夜鐘小臣觀吉從猶誤欲
東封

莫驗昭華館虛傳甲帳神海迷求藥使雪隔獻桃
人桂寢青雲斷松扉白露新萬方同象鳥舉動淨
秋塵

齊梁晴雲

緩逐烟波起如妬柳絲飄故臨飛閣度欲入迴陂

銷縈歌憐畫扇做景弄柔條更耐天南位半渚宿
殘宵

效徐陵體贈更衣

密帳真珠絡溫幃翡翠裝楚腰知便寵宮眉正鬪
強結帶懸梳子繡領刺鴛鴦輕寒衣省夜金斗熨
沉香

又效江南曲

郎船安兩槳儂舸動雙橈掃黛開宮額裁裙約楚
腰垂期方積思臨斷欲判嬌莫以採菱唱欲羨秦

臺簫

所居

窓下尋書細溪邊坐石平水風醒酒病霜日曝衣
輕鷄黍隨人設魚蒲得地生前賢無所謂容易卽
遺名

高松

高松出衆木伴我向天涯客散初晴後僧來不語
時有風傳雅韻無雪試幽姿上藥終相待他年訪
伏龜

訪秋

酒薄吹還醒樓危望已窮江臯當落日帆席見歸
風烟帶龍潭白霞分鳥道紅殷勤報秋意只是有
丹楓

昭郡

桂水春猶早昭川日正西虎當官路鬪猿上驛樓
啼繩爛金沙井松乾乳洞梯鄉音吁可駭仍有醉
如泥

裴明府居止

愛君茅屋下向晚水溶溶試墨書新竹張琴和古
松坐來聞好鳥歸去度踈鍾明日還相見橋南貰
酒釀

陸發荆南始至商洛

昔去真無奈今還豈自知青辭木奴橘紫見地仙
芝四海秋風濶千巖暮景遲向來憂際會猶有五
湖期

陳後宮

玄武開新苑龍舟燕幸頻渚蓮叅法駕沙鳥犯鈎

陳壽獻金莖露歌翻玉樹塵夜來江令醉別詔宿
臨春

樂遊

春夢亂不記春原登已重青門弄烟柳紫閣舞雲
松拂硯輕冰散開樽綠酒濃無悰託詩遣吟罷更
無悰

贈子直花下

池光忽隱墻花氣亂侵房屏綠蝶留粉窓油蜂印
黃官書推小吏侍史從清郎金馬更吟去尋思有

底忙

小園獨酌

柳蒂誰能結花房未肯開空餘雙蝶舞竟絕一人
來半展龍鬚席輕斟馬腦杯年年春不定虛信歲
前梅

思歸

固有樓堪倚能無酒可傾嶺雲春沮洳江月夜晴
明魚亂書何託猿哀夢易驚舊居連上苑時節正
遷鴛

獻寄舊府開封公

幕府三年遠春秋一字褒書論秦逐客賦續楚離騷
地理南溟濶天文北極高酬恩撫身世未覺勝鴻毛

向晚

當風橫去憶臨水卷空帷
北去鞦韆罷南朝被襪歸
花情羞脉脉柳意悵微微
莫歎佳期晚佳期自古稀

春游

橋峻班騅疾川長白鳥高
烟輕唯潤柳風濫欲吹桃
徙倚三層閣摩挲七寶刀
庾郎年最少青草妬春袍

離席

出宿金樽掩從公玉帳新
依依向餘照遠遠隔芳塵
細草翻驚鴈殘花伴醉人
楊朱不用勸只是更沾巾

徘徊

短顧何由遂遲光且莫驚
鸞能歌子夜蝶解舞官

城柳訝眉傷淺桃猜粉太輕年華有情狀吾敢恡
生平

細雨

瀟灑傍迴汀依微過短亭氣涼先動竹點細未開
萍稍促高高燕微踈的的螢故園烟草色仍近五
門青

商於新開路

六百商於路崎嶇古共聞蜂房春欲暮虎窠日初
曠路向泉間辨人從樹杪分更誰開捷徑速擬上

青雲

題鄭大有隱居

結構何峯是喧閑此地分石梁高瀉月樵路細侵
雲偃卧蛟螭室希夷鳥獸群近知西嶺上玉管有
時聞

君居近子晉憩鶴臺

夜飲

卜夜容衰鬢開筵屬異方燭分歌扇淚雨送酒船
香江海三年客乾坤百戰場誰能辭醕酌淹卧劇
清漳

江上

萬里風來地清江北望樓雲通梁苑路月帶楚城
秋刺字從漫滅歸途尚阻脩前程更烟水吾道豈
淹留

涼思

客去波平檻蟬休露滿枝永懷當此節倚立自移
時北斗兼春遠南陵寓使遲天涯占夢疑疑誤有
新知

鸞鳳

舊鏡鸞何處衰桐鳳不棲金錢饒孔雀錦段落山
鷄王子調清管天人降紫泥豈無雲路分相望不
應迷

因書

絕徼南通棧孤城北枕江猿聲連月檻鳥影落天
窓海石分碁子郛筒當酒缸生歸話辛苦別夜對
凝缸

奉寄安國大師兼簡子蒙

憶奉蓮花坐兼聞貝葉經巖光分蠟屐澗響入銅

餅日下徒推鶴天涯正對螢魚山羨曹植眷屬有
文星

閒遊

危亭題竹粉曲沼嗅荷花數日同攜酒平明不在
家尋幽殊未極得句總堪誇強下西樓去西樓倚
暮霞

題李上暮壁

舊著思玄賦新編雜擬詩江庭猶近別山舍得幽
期嫩割周顛韭肥烹鮑照葵飽聞南鄧酒仍及撥

醉時

江村題壁

沙岸竹森森維舟聽越禽數家同老壽一逕自幽
深喜客嘗留橘應官說採金傾壺真得地愛日靜
霜礎

卽日

桂林聞舊說曾不異炎方
宋考功有小長安之句也山響匡牀
語花飄度臘香幾時逢鴈足看處斷猿腸獨撫青
青桂臨城憶雪霜

秋日晚思

桐槿日零落雨餘方寂寥
枕寒莊蝶去窓冷胤螢
銷取適琴將酒忘名牧
與樵平生有游舊一一在
烟霄

春宵自遣

地勝遺塵事身閒念歲華
晚晴風過竹深夜月當
花石亂知泉咽苔荒任徑斜
陶然恃琴酒忘却在
山家

七夕偶題

寶婺搖珠珮嫦娥照玉輪
靈歸天上匹巧遺世間
人花果香千戶笙竽溢四隣
明朝曬犢鼻方信阮
郎貧

幽居冬暮

羽翼摧殘日郊園寂寞時
曉鷄驚樹雪寒鷺守冰
池急景倏云暮頽年寢已衰
如何匡國分不與夙
心期

過姚孝子廬偶書

拱木臨周道荒廬接古苔
魚因感妾出鶴爲吊陶

來兩鬢蓬常亂雙眸血不開聖朝敦爾類非獨路
人哀

寒食行次冷泉驛

歸途仍近節旅宿倍思家獨夜三更月空庭一樹
花介山當驛秀汾水遶關斜自怯春寒苦那堪禁
火賒

寄華嶽孫逸人

靈嶽幾千仞老松逾百尋攀崖仍躡壁嗽葉復眠
陰海上呼三鳥齋中戲五禽唯應逢阮籍長嘯作

鸞音

撰彭陽公誌文畢有感

延陵留表墓峴首送沉碑敢伐不加點猶當無媿
辭百生終莫報九死諒難追待得生全後川原亦
幾移

北青蘿

殘陽西入崦茅屋訪孤僧落葉人何在寒雲路幾
層獨敲初夜磬閒倚一枝藤世界微塵裏吾寧愛
與憎

幽人

丹竈三年火蒼岷萬歲藤樵歸說逢虎碁罷正留
僧星斗同秦分人烟接漢陵東流清渭苦不盡照
衰興

過故崔兖海宅與崔明秀才話舊因寄舊僚
杜趙李三掾

絳帳思如昨烏衣事莫尋諸生空會葬舊椽已華
簪共入留賓驛俱分市駿金莫憑無鬼論終負託
孤心

